

Evening Gojri
News Bulletin

28 June 2024

1700 Hrs

ايونٽنگ گو جری نیو ز بلیٹن مو رخہ 28 جون 2024

یوہ آکا شوانی جموں بے محمد اکرم تے محمد مبارک ماہر تیں خبر سُنو۔ پہلاں خاص خاص خبر۔

1★ لیفٹنٹ گو رنر منوج سنہا نے شری امرناتھ جی یا ترا غا عقیدت منداں غا پہلا جتھا نانہہ جھنڈی دس غے روانہ کیو۔ تے نال بی تمام یا تریاں غو محفوظ، خوش مزاج تے روحانی طور وور بھرپور سفر بارے نیک خواہشات غو اظہا رکیو۔

2★ - لوک سبھا غو ایوان نیٹ معاملہ وور حذب اختلاف غا احتجاج تیں بعد دن بھر واسطے ملتوی رہیو۔

3★ وزیر اعظم نریندر مو دی 30 جون نانہہ اپنا من کی بات پروگرام مانہہ ملک تے بیرون ملک بسن آلا بھارتیاں سنگ اپنا خیالات سانجھا کریں گا۔

4★ تے ریل حفاظت غا کمشنر دیشوال نے 46 کلو میٹر لما سنگلدان ریا سی ریلوے سکیشن غی حفاظت غو معائنو کیو۔

خبریں غی تفصیل نال پہلاں محمد مبارک ماہر۔

Yatra

لیفٹنٹ گو رنر منوج سنہا نے اج بھگوتی نگر غا یا تری نواس تیں شری امرناتھ جی غی پوتر شرائین غی یا ترا غا سلسلہ مانہہ عقیدت منداں غا پہلا جتھا نانہہ جھنڈی دس غے روانہ کیو۔ تے نال بی تمام یا تریاں نانہہ اک محفوظ خوش مزاج تے روحانی طور وور بھرپور سفر واسطے نیک خواہشات غو اظہا رکیو۔ لیفٹنٹ گو رنر نے کہیو کہ بابا امرناتھ جی غا آشیر واد سنگ ہر اک غی زندگی مانہہ امن خوشی تے خوشحالی آئے۔ ویدک منتریں گا نعریں بشکار 4 ہزار 6 سو 3 یا تریاں غا پہلا جتھا نانہہ 231 نیکی

بڑی گڈیاں غا قافلہ مانہ بہگوتی نگر جموں بنیا دی کیمپ تیں مذکو رہ گپھا در
ٹوریو گیو ہے۔ اس موقع ور منیا پڑمنیا روحانی پیشوا، مذہبی تنظیمان غا سربراہ۔
عوامی نمائندہ، سول انتظامیہ، پولیس، حفاظتی دستاں تے شری امرناتھ شرائین بورڈ
غا اعلیٰ افسر، ممتاز شہری تے زائرین بڑی تعداد مانہ موجو دتھا۔

Lok Sabha

نیٹ امتحان مانہ مبینہ بے ضابطگیاں ور حزب اختلاف غا احتجاج تیں بعد لوک سبھا
نانہ تہاڑی جد کہ راجیہ سبھا نانہ دوپہر 2 بجے تک واسطے ملتوی کر دتو گیو۔
دوپہر 12 بجے پہلی واری ملتوی ہون تیں بعد لوک سبھا جد اکھٹی ہو ئی تاں کا
نگریس غا ارکان نے اس مسئلہ ور وزیر تعلیم دھرمیندر پر دھان تیں استعفو دین با
رے مطالبو کرتاں واں نعرے با زی شروع کر دتی۔ لوک سبھا سپیکر اوم برلہ نے کہیو کہ
اس مسئلہ نانہ دیکھن با رے اک کمیٹی تشکیل دتی گئی ہے۔ اُنہاں نے کہیو کہ ایوان
نانہ پہلاں تیں طے شدہ اندازمانہ کم کرن غی اجازت نہ دینو پا رلیمانی جمہو ریت
واسطے صحیح نہیں۔ نیٹ غا مسئلہ ور حزب اختلاف غا مطالبہ نانہ مسترد کرتاں
واں پا رلیمانی امور غا وزیر کرن رجیجو نے کہیو کہ اس دور مانہ کسے گل با ت غی
اجازت دین غی روایت نہیں رہی جد بحث یاہ صدر غو خطاب طے وے۔ اُنہاں نے کا
نگریس تے حزب اختلاف غی دوجی جماعتاں ور الزام لاتاں واں کہیو کہ وے ایوان غا
وقار نانہ مجروح کر رہی ہیں۔ راجیہ سبھا نے وی نیٹ غا مسئلہ ور ہنگامہ آرائی غو
مشاہدو کیو۔ دوپہر 12 بجے پہلی ملتوی ہون تیں بعد ایوان دوبا رہ بحال ہو ؤ تے حزب
اختلاف جماعتاں بشمول ٹی ایم سی، ڈی ایم کے، عام آدمی پا رٹی تے دوجی جماعتاں
نے دوہری واری نیٹ غا معاملہ ور سرکار غے خلاف نعرے با زی بلند کرنی شروع کر
دتی۔ صدر غا خطاب ور شکریہ غی تحریک ور جاری بحث ور بی جے پی غا رکن پا
رلیمان سُدھانشو تریودی نے سرکار غی کامیابیاں ور لو کہلی۔ اس ہنگامہ آرائی غے
دوران ایوان غا نمائندہ جے پی نڈا نے زور دیتاں واں کہیو کہ سرکار نیٹ بارے سُنن اور
جواب دین واسطے تیار ہے۔ ور حزب اختلاف غا اداراں نے ایوان غی کا روائی مانہ روڑو
اڑکانو تھو۔

Mann Ki Baat

وزیر اعظم نریندر مودی اتوار نانہ سویرے 11 بجے آکا شوانی ور من کی با ت پروگرام مانہ مَلک تے بیرون مُلک رہ ربیا بھارتیہ لوکاں سنگ اپنا خیالات سانجھا کریں گا۔ یاہ مہینہ وار ریڈیو پروگرام غی 1 سو 11 ویں قسط وے گی ۔ جناب مو دی غا لگاتار تیجی با ر وزیر اعظم غو سنبھالن تیں بعد اس پروگرام غی یاہ پہلی قسط وے گی ۔ یاہ پروگرام آکا شوانی تے دور درشن غا سارا چینلاں ور نشر کیو جا ئے گو۔ آکا شوانی غا خبراں آلا شعبہ غی ویب سائٹ تے نیوز آن ائر مو بائل ایپ ور وی نشر کیو جا ئے گو۔ اس تیں علا وہ یاہ پروگرام آکا شوانی خبراں غا یو ٹیوب سنیل، ڈی ڈی نیوز، وزیر اعظم دفتر تے اطلاعات و نشریات وزارت ور برائے راست نشر کیو جا ئے گو۔ آکا شوانی مذکورہ پروگرام نانہ بندی نشریات تیں فوری بعد علاقائی زبانان مانہ نشر کرے گو۔

New Criminals Laws

ترے نواں فوجداری قانون بھارتیہ نیائے سنہتا 2023، بھارتیہ ناگریک سنہتا 2023 تے بھارتیہ ساکشیا ادھنیم 2023 اگلا مہینہ غی پہلی تا ریخ تیں نافذ ویں گا۔ یہ بل پچھلے سال موسم سرما گا اجلا س غے دوران پا رلیمنٹ نے منظور کیا تھا۔ مذکورہ فوجداری قانون بھارتی شہریاں نانہ با اختیار بنان با رے اک اہم قدم غی عکا سی کریں۔ ان قوانین غو مقصد ہر اک واسطے متی قابل رسائی معاون تے انصاف غا نظام نانہ موثر بنانو ہے۔ نواں فوجداری قانون غی اہم شقاں مانہ واقعات غی آن لائن رپو رٹینگ کسے وی پولیس تھانہ مانہ ایف آئی آر درج کرن غے نال نال متاثرین نانہ ایف آئی آر غی کا پی مفت حاصل کرنو شامل ہے۔ اس تیں علا وہ کسے گرفتاری غی صورت مانہ بندہ نانہ یاہ حق ہے کہ وہ کسے بندہ نانہ وی اپنی مرضی سنگ اُس غی صورتحال با رے آگاہ کر سکے۔ نواں قوانین نے خواتین تے بچاں غے خلاف جرائم غی تحقیقات نانہ وی ترجیح دتی ہے۔ اور اس ضمن مانہ ریکارڈ نگ غی معلومات غے 2 مہینہ غے اندر ویلے سر تکمیل نانہ یقینی بنانو ہے۔ اس سلسلہ مانہ یونیورسٹی گرانٹ کمیشن، تکنیکی تعلیم با رے گل بند کونسل تے سی ایف آئی آر غے نال نال تمام ریاستاں تے مرکزی غے زیر انتظام علاقان غا اعلیٰ تعلیمی ادارہ اک جولائی نانہ

اک روزہ غا پروگرام غو انعقاد کریں گا۔ جس مانہہ مجموعی گل با ت کا رگاہ سوالاں
جواباں بارے نشست تے معلوماتی مقابلہ شامل ہیں۔

Langer Seva

بابا امرناتھ تے تے بڈھا امرناتھ یا تری نواس غی لنگر سوا سادھو سنتاں تے شری
امرناتھ جی یا ترا کرن آلا دیگر عقیدت منداں واسطے گیتا بھون پریدڈ جموں مانہہ
خطائی کمشنر جموں رامیش کمار نے افتتاح کیو۔ خصوصی پو جا تیں بعد لنگر
سیوا شروع کی گئی۔ خطائی کمشنر موصوف نے باقی خدمت کرن آلاں غے ہمراہ
سادھواں تے باقی یا تریاں مانہہ پر ساد تقسیم کیو۔ قابل ذکر ہے جے مذکورہ لنگر
کئی دہائیاں تیں شری امرناتھ یا تریاں غی خدمت کر ریو ہے۔ خطائی کمشنر نے
نواس غی کوششاں غی تعریف کرتاں واں کہیو کہ یا ترا غو کامیاب انعقاد بکھ بکھ
این جی اوز تے سول سو سائٹی غا تعاون سنگ ہی ممکن ہے۔

Poonch Skill Development

ضلع روز گار تے کو نسلینگ مرکز پو نچھ نے نوجواناں غی مالی حالت نانہہ بہتر
کرن تے با اختیار بنان غا سلسلہ مانہہ اک اہم قدم چایو۔ اس سلسلہ مانہہ ضلع روز
گار کو نسلینگ مرکز پونچھ نے جے کے بینک غا رورل سی امپلائٹی منٹ ٹریننگ
انسی ٹیوٹ غا تعاون سنگ 2 روزہ ہنر ترقیات ورکشاپ غو انعقاد کیو گیو۔ جس
مانہہ سٹاک ٹریڈینگ ور توجہ مرکوز کی گئی۔ مذکورہ ورکشاپ اج اختتام پزیر ہو
ئی۔ جس غو مقصد نوجواناں نانہہ ضروری مہارتاں تے علم سنگ آراستہ کرنوتھو۔ اس
ورکشاپ مانہہ سرمایہ کاری غی حکمت عملی نانہہ جانن واسطے نوجواناں غی
پہاری اکثریت دیکھی گئی۔ متعلقہ پروگرام غے دوجے دن ڈپٹی کمشنر پونچھ یسین
محمد چودھری نے بطور مہمان خصوصی شرکت کی۔ اس ورکشاپ غو مقصد
نوجواناں نانہہ ملازمت تے کاروباری صلاحیت مانہہ بابدو کرنوتھو۔ آکا شوانی سنگ
گل کرتاں واں یسین محمد چودھری نے اس طرح کہیو۔۔۔ با ٹ۔۔

یہ خبر تم آکا شوانی جموں تیں سن رہیا ہیں خبراں غا باقی حصہ نال محمد اکرم۔

Railway Inspection

ریل حفاظت با رے کمشنر دنیش چند دیشوال نے آج اُدھم پور سرینگر با ریمولہ ریل رابطہ ور حال ہی مانہ مکمل ہون آلا 46 کلو میٹر لمبا سنگلدان ریا سی سکیشن گو 3 روزہ معائینو کیو۔ مذکو رہ سیکشن ور حفاظتی معائینو اج کامیابی سنگ مکمل ہو گیو۔ کمشنر موصوف نے اپنی ٹیم غے ہمراہ سنگلدان ریا سی سکیشن غے درمیان ریلوے ٹریک، سرنگاں تے دیگر کماں غو حتمی معائینو وی کیو۔ جس مانہ دُنیا غو سب تیں اُوچو پُل وی شامل ہے۔ مذکو رہ معائینہ غے دوران پُل غے ذریعے سنگلدان ریا سی غے درمیان بجلی آلی ریل غو تیز رفتار جا نزو کامیابی سنگ کیو گیو۔ کمشنر موصوف نے ریا سی مانہ رپورٹ پیش کرن تیں پہلاں شمالی ریل حُکام غے سنگ میٹنگ وی کی۔ للکاراں آلا اُدھم پور سرینگر با ریمولہ ریل رابطہ ور کم 1997 مانہ شروع ہوؤ تھو۔ تے اس سال غا اخیر تک مکمل ہون غو امکان ہے۔ آکا شوانی سنگ گل کرتاں واں اُنہوں نے اس طرح کہیو۔۔۔ بائٹ۔۔

Samba Pickle

ضلع سانہ غی تحصیل بڑی براہمنہ گراں کرتھولی غی بسنیک شکنتلا دیوی نے کئی قسم غا اچار تیار کیا ہیں۔ جس تیں اُس نے روز گار حاصل کیو ہے۔ اس تیں علا وہ کئی خواتین یوہ کم کریں تے اپنی روزی روٹی کماویں۔ شکنتلا دیوی پچھلا 6/5 سال تیں یوہ کم کر رہی ہے۔ محکمہ باغبانی نے موصوفہ غی تیار شدہ اچار نانہ پیور ٹیسٹی پیکل غو ناں دتو ہے۔ آکا شوانی سنگ گل کرتاں واں شکنتلا دیوی نے اس طرح کہیو۔۔۔۔۔ بائٹ۔۔

Aroma Mission

سی ایس آئی آر آئی آئی ایم غا آروما مشن غی بے مثال کامیابی تیں بعد جس نے جموں کشمیر غا بہدرواہ علاقہ مانہ مشہور جامنی رنگ غو انقلاب لیونڈر سیاحت اس صنعت با رے اگلی بڑی چیز غا طور ور اُبھر رہیو ہے۔ بیرون مُلک تیں آن آلا سیلانی ان تہاڑیں غیر ملکی مشروب غی خوبصورتی نانہ محسوس کرن واسطے خود کھیتاں مانہ ارومٹی چاہ تیں لطف اندوز ہو رہیا ہیں۔ ریا ست کیرلہ سنگ تعلق

رکھن آلا اک گروپ نے دسیو کہ وے بھدرواہ خاص طور رور لیونڈر غا کھیتاں غی سیر
واسطے آویں۔ آکا شوانی سنگ گل کرتاں واں اُن نے اس طرح کہیو۔۔۔ با ٹ۔۔۔ اس
سلسلہ مانہہ بھدرواہ ترقیات حُ اتھارٹی غا سی ای او بال کرشن نے بولتاں واں اس
طرح کہیو۔۔۔ با ٹ۔۔۔

اس غے نال ہی خبراں غو یوہ بلیٹن ختم ہوؤ۔